



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### In Amos, Abdiam, Et Ionam Prophetas, Commentarij Francisci Lamberti Auenionensis

Lambert, François

Argentorati, 1525

VD16 B 3868

Pars Sexta. Sexto, ostendit causam prædipuam euersionis Edom.

**urn:nbn:de:hbz:466:1-35983**

Propter interfectionē & iniquitatē in fratrē tuū Iacob, operiet te confusio, & peribis in eternū. In die cum stares aduersus eū, quando capiebant alieni exercitum eius, et extranei ingrediebantur portas eius, & super Hierusalē mittebant sortem, tu quoq; eras, quasi unus ex eis. **E**t non despicias in die fratris tui, in die peregrinationis eius. **E**t non lætaberis super filios Iuda, in die perditionis eorum, & non magnificabis os tuum, in die angustia, neq; ingredieris portam populi mei, in die ruinae eorum, neq; despicias & tu in malis eius, in die uastitatis illius. **E**t non emitteris aduersum exercitum eius, in die uastitatis illius, neq; stabis in exitibus, ut interficias eos qui fugerint. **E**t non concludes reliquos eius, in die tribulationis, quoniam iuxta est dies Domini super omnes gentes.

**D**iximus paulo ante, idum eos typum gerere Antichristorum, qui fratres sunt credentiū, uel solo nomine, & eos, sicut Esau Iacob, nunquam non persequuntur. Proinde ubi uides tam uehementer argui iniquitatem Esau, idem non dubites prophetari aduersum Antichristos. Primum autem uideamus, qua ratione describat iniquitatem Esau. Propter interfectionem, inquit, & iniquitatem

**COMMENTAR. CAPVT I. 98**

quitatem in fratrem tuum Iacob, id est, populum Israel à Iacob fratre Esau descendente, operiet te confusio: hoc est repleberis confusione: & peribis in aeternum: id est, irreparabiliter.

In die cum stares &c. Apertus est totus hic textus, tantum id obseruandū, q̄ dies fratris sui, dies peregrinatiōis, ruine, uastitatis, angustiae, et tribulationis eius, significat tempus euersionis et captiuationis Israelis fratris Edom, siue Esau. Sensus aut̄ omnium horum uersuum, in summa, hic est: Quia oblitus es omnis dilectionis, quam te habere oportuit, in fratrem tuum Iacob, id est, populum Israel, in quem fusti seuisimus, tam grauter adstegam te, ac per Nabuchodonosor exercitū uastabo, et imminuam, ut sic deiectus, cuersus, et ad nihilū redactus, nō sis ultrā facturus, ad uersus ipsum fratrem tuum, sicut à principio in hunc usq; diem fecisti. Confusus nanq; eris, & tam plenus ignominiae & contemptus, ut reliquos despicere nequeas: nimirū omnib; despectior eris. Idē iudiciū imminet Antichristi perditis Synagogae, qui per Ecclesia dei se uenditant, cum nihil minus sint, ueram aut̄ Ecclesia calcant, despiciunt, persequuntur. Si alieni contra nos surgunt, ob ueritatis sermonem quem profitemur: hi stant in capite hostium, & praecunctis in nos seuiunt, ad id nitentes, ut incēdio, aqua, gladio, omniq; tormentorum genere, nos e medio tollant. Si cum reliquis incredulis super nos mittunt sortem. Si quid tribulationis & angustiae nos perpeti uiderint, letantur, in nos magnificant os suum, nos despiciunt, iuuant, & soli

**FRANC. LAMB. IN ABDIAM**

citant aduersum nos manum aliorum, ipsis omnibus absq[ue]  
similitudine crudeliores, quippe, quib[us] non sufficit ppria  
iniquitas & seuitia, qua contra nos nihil non tentant, nisi  
etiam alios ad idem modis omnibus prouocent. Quis enim  
magis sollicitat Principum ac Magistratuū animos, in Dei  
uerbum, ac uniuersos amatores eius, quam feces illæ, quæ  
pro Dei Ecclesia haberi uolunt, seipsosq[ue] Ecclesiasticos et  
spirituales nominant? Et hi sunt, in quibus maxime filij  
perditi factio est sita. Sed in proximo est dies Domini, ad-  
uersus eos. Veni Domine **IESV.** & disipa has feræ ar-  
dins, ac bestias peß. Etenim si dies tuus aduersum Idumæos,  
& gentes alias, quas **Assyrijs** & **Chaldæis** bello subiecisti,  
olim uenit, fortior est ratio, ut ueniat dies ipse tuus, quo di-  
ctæ feræ, omnibus Idumæis & gentibus deteriores euer-  
tantur, fiat, fiat.

Sicut fecisti, fiet tibi. Retributionem tuam  
conuertam in caput tuum. Quomodo es  
nim bibisti super montem sanctum meum,  
bibent omnes gentes iugiter: & bibent, & ab-  
sorbebunt, & erunt, quasi non sint.

Iustus Dominus reddit unicuiq[ue] iuxta opus suum. Ideo  
reddidit Idumæis, sicut fecerant filijs Israel, quemadmo-  
dum, dum inquit: In **Ierusalem** & monte **Sion**, **Israële**  
cum cæteris opprimens, bibisti et epulatus es, ita omnes gē-  
tes, quæ ad tuam euerfionē conuenient, bibent, & absorbe-  
bunt, id est, absument quæcunq[ue] habes, ita ut nihil feræ tibi  
sit futurum reliquum. Nimirum omnia tua erunt quasi nō  
sint

sint, hoc est, deiecta, perdita, imminuta, posteaquam ipsæ gentes te absorbuerint, ita ut ab uniuersis qui ea conspexerint, spernantur, & pro nihilo habeantur.

PARS SEPTIMA.

Et in monte Sion erit saluatio, et erit sanctus.

**A**literam, in monte Sion et Hierusalem fuit salus, Christo & Apostolis prædicantibus. & misso etiam in signo uisibili spiritu sancto. Act. 2. Fuit quoque, eadem sanctus Domini, non dubium quin Christus, de quo Psal. 4. Scitote quoniam mirificauit Dominus sanctum suum, qui recte sanctus dicitur, quod per eum solum electi ex fide sanctificentur. Nimirum, ipse est nostra sanctificatio, iustitia, & redemptio. 1. Corin. 1. & sine ipso, prophani, carnales & impuri sumus. Verum est obseruandum, quod quemadmodum fideles uniuersi sunt uerum Abrahamæ semen, & Israëlita, ac filij promissionum Dei Rom. 9. ita Ecclesia ex eis collecta, est uera domus Iacob, & uerum regnum Israël, sedesque Davidis, & sic est uera Hierusalem, & uerus mons Sion, & quicquid ab eis possidetur, spectat ad terram ac terminos Israël, quandoquidem illis est promissa mundi hæreditas, ut multis locis probauimus. Et ideo ipsum uerbum perfectius impletur in Ecclesia, quam in monte Sion, ad literam, non quod perfectius uerbum habeat sanctorum Ecclesia nunc, aut sit habitura, quam olim Hierosolimis, & in monte Sion, sed in hoc, quod fuit in tempore solum in Sion, in Ecclesia autem permanet in seculum seculi. Confidimus autem, id tum maximo & insignius etiam in ipsis Israël terris futurum, cum Israël

N 3 in dierum